



PARLAMENTO DI ARUBA
Fraccion Arubaanse Volks Partij

Presidente di Parlamento
sr. mr. J.E. Thijsen
L.G. Smith Blvd. 72
Oranjestad, Aruba

STATEN VAN ARUBA
Ingek. 05 NOV 2019
Volgnr.: IS/187/19-20

Oranjestad, 04 november 2019

Topico: Pregunta pa Minister di Transporte, Comunicacion y Sector Primario

Apreciabel Señor Thijsen,

Mediante esaki mi ta haci peticion pa manda e carta aki cu e siguiente preguntanan adicional na Minister di Transporte, Comunicacion y Sector Primario, señor Chris Romero.

Deseando di conta cu bo cooperacion den tur confiansa y pa ricibi tur contesta por escrito.

Atentamente,

Robert Candelaria
Miembro di Parlamento Aruba
Fraccion A.V.P.



Pregunta por escrito di miembro di Parlamento, sr. Robert Candelaria, na Minister di Transporte, Comunicacion y Sector Primario, señor Chris Romero, conforme articulo III.17 di Staatsregeling y conforme artikel 59 di Reglement van Orde van de Staten van Aruba.

Recientemente por a tuma nota cu Arubus a ricibi algun bus nobo pa nan flota. E informacion cu nos a ricibi over e busnan ta cu tin motibonan tecnico cu nan no ta operacional ainda. Pa e motibonan aki mi ta haci e siguiente preguntanan pa ricibi clarificacion di Minister:

1. Minister por confirma cu Arubus a haña busnan nobo recientemente?
2. Cuanto bus nobo a wordo cumpra?
3. Kiko ta e marca di e busnan nobo?
4. Por duna especificacion riba e ultimo pregunta, pa cu marca di body, marca di motor y marca di chasis di e busnan nobo?
5. Minister por bisa si tabatin un destajo publico pa e compra di e busnan nobo?
6. Cuanto participante tabatin na e destajo publico aki?
7. Minister por inclui un lista di ken tur a participa na e destajo aki?
8. Minister por bisa ken a gana e destajo aki?
9. Minister por bisa ken a cumpra y paga pa e busnan? Arubus of Land Aruba?
10. Cuanto a paga pa cada bus?
11. Minister por duna e suma total pa e projecto aki di busnan nobo?
12. Dicon a opta pa e cantidad di bus aki?
13. Minister por bisa si tur bus a wordo entrega caba, of si falta mas bus pa entrega?
14. Dicon a opta pa cumpra e busnan specifico aki?
15. Nos tin entendi cu Arubus tin bon experencia cu cierto marca di bus manera esnan Chines di marca Yutong. Minister por splica dicon a opta pa un otro marca di bus, apesar cu tabatin bon experencia cu esnan menciona pa loke ta prijs y durabilidad?
16. Minister por confirma si e busnan Yutong a resulta bon of malo pa Arubus?
17. Dicon a opta pa cumpra e cantidad di bus aki y no a opta pa cumpra menos bus pa test prome cu a cumpra e cantidad aki?
18. Minister por splica kiko ta e motibo pakiko e busnan nobo no ta den servicio ainda?
19. Dicon no a premira e problemanan actual?
20. Dicon a opta pa cumpra bus cu no tin (suficiente) bentana pa ventilacion, mirando experencia di pasado cu airco di bus ta dañá despues di tempo y mester habri bentana y sigui core cu e busnan aki?
21. Minister por specifica kiko ta e problema cu airco di e busnan?
22. Minister por duna un splicacion con lo resolve e problema di e busnan pa nan por drenta operacion?
23. Pa ki periodo por spera cu e busnan nobo lo ta operacional?
24. Cuanto placa lo costa pa resolve e problemanan actual di e busnan?
25. Ken ta responsabel y lo paga pa resolve e problema(nan) di e busnan nobo? Arubus of Land Aruba?
26. Ken tabata consehero pa a stipula na cua exigencia e busnan mester cumpli?



PARLAMENTO DI ARUBA
Fraccion Arubaanse Volks Partij

27. Minister por splica si a bay un siman Brazil pa wak e busnan?
28. Ken a bay Brazil pa cu compra di e busnan?
29. Cuanto biahe tabatin pa cu compra di e busnan aki?
30. Minister por splica cuanto hende y bay riba e biahe aki y por specifica rol di cada participante?
31. Kiko tabata e rol di e team tecnico di Arubus den e proceso pa scohe y cumpra e busnan nobo?
32. E biahe aki a tuma lugar prome of despues cu a cumpra e busnan?
33. Minister a menciona den pasado, cu e busnan di marca International, cu ta e ultimo compra di bus nobo prome cu esnan di Brazil, no ta mesun busnan cu a bay mira na Brazil. Esaki ta corecto?
34. Con minister ta opina riba esaki awor, como e minister encarga cu e cartera aki?
35. Den un entrevista cu minister a duna, bayendo Brazil pa e busnan, minister a menciona cu cada un bus a sali 75 mil dollar mas barata cu busnan cu a wordo cumpra den pasado. Minister por suministra e informacion aki di comparacion entre gastonan hasi pa busnan cu a wordo cumpra den pasado, cu e busnan di e ultimo compra aki?

Sperando riba un contesta por escrito mas pronto cu ta posibel riba e preguntanan, mi ta termina.

Robert Candelaria
Miembro di Parlamento
Fraccion A.V.P.
